



## HM- JK Visit

गृहमंत्री अमित शाह अज्ज जम्मू च सीमा सुरक्षा दी समीक्षा करडन। गृहमंत्री होर कल राती जम्मू-कश्मीर दे दौरे पर जम्मू पुज्जे। ओह सुरक्षा एजेंसियों ते प्रशासनिक अधिकारियों कन्ने मलाटी करडन। ते समग्र कानून-व्यवस्था दी स्थिति दा जायजा लैने दे कन्नो कन्नी मौजूदा विकास परियोजनाएं दी प्रगति दा बी आकलन करडन। गृहमंत्री अज्ज कठुआ जिले दे हीरानगर च अंतरराष्ट्रीय बन्ने दा दौरा करडन ते बन्ने पारा थमां घुसपैठ रोकने आस्तै सीमा सुरक्षा बल आस्सेआ कीते जाऱदे हीलें , इस कम्मे लेई लाए गेदे उपकरणों ते साजो-समेयान दा निरीक्षण करडन। श्री शाह बोबिया ते गुरनाम च सीमा सुरक्षा बल दी चौकियों दा दौरा करडन। गृहमंत्री शहीद सैनिकें दे परोआरें कन्ने जम्मू दे लोक भवन च मलाटी करियै नियुक्ति -पत्र सौंपगंन। मगरा ओह इक उच्ची सतह दी सुरक्षा समीक्षा बैठक दी अध्यक्षता करगंन।

<><><><><><>

## CM- Budget

मुख्यमंत्री उमर अब्दुल्ला अज्ज विधानसभा च जम्मू-कश्मीर लेई बऱरे 2026-27 दा बजट पेश करगंन। विधानसभा दे कम्मकाज आली सूची मताबक- सदन दी बैठक बड्डलै 10 बजे लग्गोघ ते सोआलें दे समें कन्ने सदन दी कार्रवाई शुरु होग। एहदे परैन्त मुख्यमंत्री होर खर्चें सरबंधी सलाना माली ब्यौरा पेश करगंन ते बजट भाशष देगंन- जेहदे च ओह सरकार दियें माली प्राथमिकताएं ते विकास बाद्दे सरबंधी रुपरेखा पर लौऽ पागंन। मुख्यमंत्री होर बऱरे 2025-26 लेई खर्चें सरबंधी पूरक ब्यौरे बी सदन च पेश करगंन- जिंदे च ओह मजूदा माली बऱरे लेई बाद्दू खर्चें सरबंधी जरूरतें उप्पर लौऽ पागंन।

<><><><><><>

## CM-ECO Survey

मुख्यमंत्री उमर अब्दुल्ला होरें कल विधानसभा च 2025-26 लेई आर्थिक सर्वेक्षण रिपोर्ट पेश कीती। रिपोर्ट च प्रमुख क्षेत्रें च लगातार प्रगति गी उजागर कीता गया ऐ। केन्द्र शासत प्रदेश दी अर्थबवस्था 2 लकख 86 जहार करोड़ रपे होने दा अंदाजा ऐ। 2025-26 च असल जी.एस.डी.पी. (सकल राज्य घरेलू उत्पाद) दा बाद्दा 5 इशारिया 8/2 फीसद रौहने दा अनुमान ऐ- जिसलै के मुद्रास्फीति घटियै 3 इशारिया 8 फीसद होई गई ऐ ते हर म्हानु दी आमदन बधियै इक लकख 68 जहार रपे होई गई ऐ। 2025 च सैलानियें दी आमद इक करोड़ 78 लकख कोला मती होई गई ऐ। सेहत-सेवा- शिक्षा बुनियादी ढांचे- बिजली उत्पादन ते डिजिटल प्रशासन च महत्वपूर्ण फायदें दर्ज कीते गे न- जेहड़े समूलचे जम्मू-कश्मीर च लगातार आर्थिक ते समाजी विकास गी दर्शादे न।



## Motion of Thanks

जम्मू-कश्मीर विधानसभा नै जंदी 2 फरवरी गी सदन च उपराज्यपाल हुं'दे अभिभाषण पर धन्नवाद प्रस्तास गी कल पास करी दिता। विधायक शौकत हुसैन गनी होरें एह प्रस्तास सदन च पेश कीता ते डाक्टर रामेश्वर सिंह होरें एहदा समर्थन कीता। धन्नवाद प्रस्तास पर होई दी चर्चा दा परता दिंदे होई मुख्यमंत्री उमर अब्दुल्ला होरें बरोधी धड़े आसेया कीती जा'रदी निंदेया दा जवाब दिता ते अपनी सरकार दियें प्राथमिकताएं पर लौस पाई। उ'नें जम्मू-कश्मीर दा राज्य दा दर्जा ते बशेश दर्जा ब्हाल करने सने 200 युनिट मुफ्त बिजली देने दी अपनी सरकार दी वचनबद्धता गी फही पक्का कीता। उमर होरें जम्मू ते कश्मीर बश्कार विकास संतुलन बरकरार

रक्खने सनें प्रदेश ते युनिवर्सिटिये- कृषि युनिवर्सिटिये ते केन्द्री संस्थाने दी स्थापना दा हवाला बी दिता। मुखमंत्री होरे बंडुड पोआने आली सियासत दी निंदेया करदे होई दरबार मूव आली परम्परा गी ब्हाल करने दा हवाना दिता ते प्रदेश कन्ने होई दी बेन्यायी गी ठीक करने दी जरुरतै पर जोर पाया। उ'नें जम्मू-कश्मीर पुलस ते मकामी बसनीके दे बलिदाने पर लौऽ पाई ते लोकतंत्र दी राक्खी ते एकता बरकरार रक्खने दा आहवान कीता। प्रस्ताऽ गी ध्वनि मत कन्ने पास कीता गया।



### **LG- Soft Power**

लैफ्टिनेंट गवर्नर मनोज सिन्हा होरे कल आखेया ऐ जे भारत दी प्राचीन संस्कृति नै सदा गै सब्भनें लेई एकता- व्यक्तिगत भलाई ते खुशहाली गी बढ़ावा दिता ऐ। हरिद्वार च इक समारोह च बोलदे होई उ'नें इस गल्लै पर जोर दिता जे उन्नत सभ्यता दा उद्गम आहली थाहर भारत लगातार कुल संसारी शांति आस्तै प्रेरित करदा ऐ। उ'नें आखेया जे दुनिया हून भारत दी सॉफ्ट पावर गी पंछानदी ऐ ते योग ते ध्यान रोजमर्रा दे जीवन दा हिस्सा बनी चुकी दे न। सिन्हा होरे भरोसा प्रगट कीता जे भारत दी एकता ते ताकत 2047 तगर मुख्य गी इक विकसित दर्जा हासल करने च मदद देग ते देश अपने प्राचीन गौरव गी परतियै हासल करी लैग।



## CS- NITI Aayog

मुख्य सचिव अटल डुल्लु होंरें जम्मू-कश्मीर च खाद्य सुरक्षा प्रणाली गी तगड़ा बनाने दे मकसद कन्नै इक व्यापक रणनीति तयार करने लेई कल नीति आयोग दे सदस्य डाक्टर वी.के. पॉल ते FSSAI दे माहिरें कन्नै इक उच्ची सतह दी बैठक लाई। इस दरान नियमें दी सख्ती नै अमलावरी जकीनी बनाने- लोकें अंदर जागरूकता पैदा करने- समर्थ निर्माण ते लैब्राट्री सरबंधी ढांचे बारे चेचे तौर पर गल्लबात करगंन। इस मौके पर 6एं नुक्तें आली इक रुपरेखा तयार कीती गई- जेहदे च जागरूकता अभियान चलाना ते चीजें दी जांच आली सुविधाएं दा दर्जा बधाना बी शामिल ऐ। माहिरें -बशेषजें दा इक पैनल- 3 महीनें दे अंदर-अंदर इक ब्यौरेवार कार्य- योजना तयार करोग ते अप्रैल 2026 कोला एहदी अमलावरी शुरु होई जाहग।



## Block Diwas Samba

साम्बा दे जिला इंजामिया आसेया लोकें धोड़ी पुज्ज बनाने आले कार्यक्रम दे इक हिस्से दे तौर पर “ब्लाक दिवस” आली पैहलकदमी दे तैहत लोकें दियें समस्याएं दे नबेड़े आला इक कैम्प लोआया गया। इस मौके पर मकामी बसनीकें- विकास-बाददें- कल्याणकारी योजनाएं ते सार्वजनिक सेवाएं कन्नै जुड़े दे मामले प्रशासन अगगे रक्खे। सरबंधत अधिकारियें केंई सारे मसलें दा मौके पर गै नबेड़ा करोआई दिता ते ऑनलाईन ते सरकारी योजनाएं दा लाह ठोआने दी प्रक्रिया बारे उन्दा मार्गदर्शन बी कीता। इस पैहलकदमी दा मकसद लोकें गी मता जागरूक

बनाना- सेवाएं दी दस्तयाबी च सुधार आहनना ते लोकें ते प्रशासन बश्कार सिद्दी गल्लबात आली बवस्था गी तगड़ा बनाना हा।

<><><><><><>

## Weather

मौसम विभाग नै जम्मू-कश्मीर च अगले किश दिनें तोड़ी मौसम आमतौर पर खुश्क रौहने दी पेशगोई कीती ऐ पर उच्चियें धारें पर मौसम च किश बदलाव होई सकदा ऐ। आकाशवाणी संवाददाता नै मौसम विभाग दे हवालै नै जानकारी दिती ऐ जे अज्जै थवा गास आमतौर पर साफ रौहने दी मेद ऐ। 7 ते 8 फरवरी गी मौसम आमतौरा पर खुश्क रौहने दी मेद ऐ पर 9 ते 10 फरवरी गी किश उच्चियें थाहरें पर हलकी बर्फबारी ते बरखा होई सकदी ऐ। 11 ते 12 फरवरी थमां मौसम फही आमतौर पर खुश्क गै रौहग।

<><><><><><>